

**FRAMKVÆMDARREGLUGERÐ FRAMKVÆMDASTJÓRNARINNAR  
(ESB) 2018/1266**

2019/EES/44/17

frá 20. september 2018

**um breytingu á framkvæmdarreglugerð (ESB) nr. 540/2011 að því er varðar framlengingu á samþykkistímabilum fyrir virku efnin 1-dekanól, 6-bensýladenín, álsúlfat, asadíraktín, búpírímat, karboxín, kletódím, sýkloxýdím, dasómet, díklófóp, díþíanón, dódínn, fenasakín, flúómetúrón, flútríafól, hexýþíasox, hýmexasól, indólýlsmjörσύru, ísoxaben, brennisteinskalk, metaldehýð, paklóbútrasól, pensýkúrón, sintófen, táflúvalínat og tebúfenósíð (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE (1), einkum fyrstu málsgrein 17. gr.,

*og að teknu tilliti til eftirfarandi:*

- 1) Í A-hluta viðaukans við framkvæmdarreglugerð framkvæmdastjórnarinnar (ESB) nr. 540/2011 (2) eru skráð virk efni sem teljast samþykkt samkvæmt reglugerð (EB) nr. 1107/2009.
- 2) Umsóknir um endurnýjun á samþykki fyrir 1-dekanóli, 6-bensýladeníni, álsúlfati, asadíraktíni, búpírímati, karboxíni, kletódími, sýkloxýdími, dasómeti, díklófópi, díþíanóni, dódíni, fenasakíni, flúómetúróni, flútríafóli, hexýþíasoxi, hýmexasóli, indólýlsmjörσύru, ísoxabeni, brennisteinskalki, metaldehýði, paklóbútrasóli, pensýkúróni, sintófeni, táflúvalínati og tebúfenósíði voru lagðar fram í samræmi við framkvæmdarreglugerð framkvæmdastjórnarinnar (ESB) nr. 844/2012 (3). Líklegt er að samþykki fyrir þessum eignum renni út, af ástæðum sem umsækjandinn fær ekki ráðið við, áður en ákvörðun hefur verið tekin um að endurnýja viðkomandi samþykki. Því er nauðsynlegt að framlengja samþykkistímabil þeirra í samræmi við 17. gr. reglugerðar (EB) nr. 1107/2009.
- 3) Með hliðsjón af þeim tíma og úrræðum sem þarf til að ljúka mati á umsóknum um endurnýjun á samþykki fyrir fjölda virkra efna, sem samþykki fyrir renna út á árunum 2019 til 2021, var komið á fót vinnuáætlun, með framkvæmdarákvörðun framkvæmdastjórnarinnar C(2016)6104 (4), þar sem svipuð, virk efni eru flokkuð saman og forgangsroð ákveðin út frá verndarsjónarmiðum fyrir heilbrigði manna, dýra eða fyrir umhverfið, eins og kveðið er á um í 18. gr. reglugerðar (EB) nr. 1107/2009.
- 4) Þar eð virku efnin 1-dekanól, 6-bensýladenín, álsúlfat, asadíraktín, búpírímat, karboxín, kletódím, sýkloxýdím, dasómet, díklófóp, díþíanón, dódínn, fenasakín, flúómetúrón, flútríafól, hexýþíasox, hýmexasól, indólýlsmjörσύra, ísoxaben, brennisteinskalk, metaldehýð, paklóbútrasól, pensýkúrón, sintófen, táflúvalínat og tebúfenósíð falla ekki undir forgangsroðuðu flokkana í framkvæmdarákvörðun C(2016)6104 ætti að framlengja samþykkistímabilið um annaðhvort tvö eða þrjú ár, að teknu tilliti til núgildandi loka gildistíma, þeirrar staðreyndar að skv. 3. mgr. 6. gr. framkvæmdarreglugerðar (ESB) nr. 844/2012 skal leggja fram viðbótarmálsskjöl fyrir virkt efni eigi síðar en 30 mánuðum áður en samþykkið fellur úr gildi, nauðsynjar þess að tryggja jafna skiptingu ábyrgðar og vinnu milli aðildarríkja, sem gegna hlutverki skýrslugjafa og meðskýrslugjafa, og tiltækra úrræða sem eru nauðsynleg til að vinna mat og taka ákvarðanir.
- 5) Því er rétt að framlengja samþykkistímabilið fyrir virku efnin karboxín, kletódím, sýkloxýdím, dasómet, díklófóp, fenasakín, hýmexasól, indólýlsmjörσύru, metaldehýð og paklóbútrasól um tvö ár og samþykkistímabilið fyrir virku efnin 1-dekanól, 6-bensýladenín, álsúlfat, asadíraktín, búpírímat, díþíanón, dódínn, flúómetúrón, flútríafól, hexýþíasox, ísoxaben, brennisteinskalk, pensýkúrón, sintófen, táflúvalínat og tebúfenósíð um þrjú ár.

(\*) Þessi ESB-gerð birtist í Stjtið. ESB L 238, 21.9.2018, bls. 81. Hennar var getið í ákvörðun sameiginlegu EES-nefndarinnar nr. 120/2019 frá 8. maí 2019 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

(1) Stjtið. ESB L 309, 24.11.2009, bls. 1.

(2) Framkvæmdarreglugerð framkvæmdastjórnarinnar (ESB) nr. 540/2011 frá 25. maí 2011 um framkvæmd reglugerðar Evrópuþingsins og ráðsins (EB) nr. 1107/2009 að því er varðar skrána yfir samþykkt, virk efni (Stjtið. ESB L 153, 11.6.2011, bls. 1).

(3) Framkvæmdarreglugerð framkvæmdastjórnarinnar (ESB) nr. 844/2012 frá 18. september 2012 um ákvæði sem eru nauðsynleg til að koma málsmeðferð við endurnýjun í framkvæmd að því er varðar virk efni eins og kveðið er á um í reglugerð Evrópuþingsins og ráðsins (EB) nr. 1107/2009 um setningu plöntuverndarvara á markað (Stjtið. ESB L 252, 19.9.2012, bls. 26).

(4) Framkvæmdarákvörðun framkvæmdastjórnarinnar frá 28. september 2016 um að koma á fót vinnuáætlun til að meta umsóknir um endurnýjun á samþykkjum fyrir virkum eignum, sem renna út 2019, 2020 og 2021, í samræmi við reglugerð Evrópuþingsins og ráðsins (EB) nr. 1107/2009 (Stjtið. ESB C 357, 29.9.2016, bls. 9).

- 6) Ef engin viðbótarmálsskjöl, í samræmi við framkvæmdarreglugerð (ESB) nr. 844/2012, eru lögð fram eigi síðar en 30 mánuðum fyrir viðkomandi gildislokadag, sem mælt er fyrir um í viðaukanum við þessa reglugerð, ætti gildislokadagurinn að vera sá sami og var í gildi fyrir gildistöku þessarar reglugerðar eða fastsettur eins fljótt og unnt er eftir það.
- 7) Ef framkvæmdastjórnin samþykkir reglugerð þar sem kveðið er á um að samþykki fyrir virku efni, sem um getur í viðaukanum við þessa reglugerð, sé ekki endurnýjað vegna þess að viðmiðanir fyrir samþykki eru ekki uppfylltar mun framkvæmdastjórnin fastsetja lokadagsetningu gildistíma sem sömu dagsetningu og var í gildi fyrir gildistöku þessarar reglugerðar eða þann dag sem reglugerðin tekur gildi, ef sá dagur er síðar, að því tilskildu að samþykki fyrir virka efninu sé ekki endurnýjað. Að því er varðar tilvik þar sem framkvæmdastjórnin mun samþykkja reglugerð þar sem kveðið er á um endurnýjun á virku efni, sem um getur í viðaukanum við þessa reglugerð, mun framkvæmdastjórnin leitast við, eins og við á með tilliti til aðstæðna, að fastsetja gildistökdag eins fljótt og unnt er.
- 8) Því ætti að breyta framkvæmdarreglugerð (ESB) nr. 540/2011 til samræmis við það.
- 9) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

*1. gr.*

Viðaukanum við framkvæmdarreglugerð (ESB) nr. 540/2011 er breytt í samræmi við viðaukann við þessa reglugerð.

*2. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 20. september 2018.

*Fyrir hönd framkvæmdastjórnarinnar,*

Jean-Claude JUNCKER

*forseti.*

\_\_\_\_\_

## VIÐAUKI

Ákvæðum A-hluta viðaukans við framkvæmdarreglugerð (ESB) nr. 540/2011 er breytt sem hér segir:

- 1) Í stað dagsetningarinnar í sjötta dálki, „Samþykki rennur út“, í línu 316, sýkloxýdím, komi „31. maí 2023“.
  - 2) Í stað dagsetningarinnar í sjötta dálki, „Samþykki rennur út“, í línu 317, 6-bensýladenín, komi „31. maí 2024“.
  - 3) Í stað dagsetningarinnar í sjötta dálki, „Samþykki rennur út“, í línu 322, hýmexasól, komi „31. maí 2023“.
  - 4) Í stað dagsetningarinnar í sjötta dálki, „Samþykki rennur út“, í línu 323, dódín, komi „31. maí 2024“.
  - 5) Í stað dagsetningarinnar í sjötta dálki, „Samþykki rennur út“, í línu 326, indólýlsmjörssýra, komi „31. maí 2023“.
  - 6) Í stað dagsetningarinnar í sjötta dálki, „Samþykki rennur út“, í línu 328, táflúvalínat, komi „31. maí 2024“.
  - 7) Í stað dagsetningarinnar í sjötta dálki, „Samþykki rennur út“, í línu 329, kletódím, komi „31. maí 2023“.
  - 8) Í stað dagsetningarinnar í sjötta dálki, „Samþykki rennur út“, í línu 330, búpírímat, komi „31. maí 2024“.
  - 9) Í stað dagsetningarinnar í sjötta dálki, „Samþykki rennur út“, í línu 333, 1-dekanól, komi „31. maí 2024“.
  - 10) Í stað dagsetningarinnar í sjötta dálki, „Samþykki rennur út“, í línu 334, ísoxaben, komi „31. maí 2024“.
  - 11) Í stað dagsetningarinnar í sjötta dálki, „Samþykki rennur út“, í línu 335, flúómetúrón, komi „31. maí 2024“.
  - 12) Í stað dagsetningarinnar í sjötta dálki, „Samþykki rennur út“, í línu 337, karboxín, komi „31. maí 2023“.
  - 13) Í stað dagsetningarinnar í sjötta dálki, „Samþykki rennur út“, í línu 339, dasómet, komi „31. maí 2023“.
  - 14) Í stað dagsetningarinnar í sjötta dálki, „Samþykki rennur út“, í línu 340, metaldehýð, komi „31. maí 2023“.
  - 15) Í stað dagsetningarinnar í sjötta dálki, „Samþykki rennur út“, í línu 341, sintófen, komi „31. maí 2024“.
  - 16) Í stað dagsetningarinnar í sjötta dálki, „Samþykki rennur út“, í línu 342, fenasakín, komi „31. maí 2023“.
  - 17) Í stað dagsetningarinnar í sjötta dálki, „Samþykki rennur út“, í línu 343, asadíraktín, komi „31. maí 2024“.
  - 18) Í stað dagsetningarinnar í sjötta dálki, „Samþykki rennur út“, í línu 344, díklófóp, komi „31. maí 2023“.
  - 19) Í stað dagsetningarinnar í sjötta dálki, „Samþykki rennur út“, í línu 345, brennisteinskalk, komi „31. maí 2024“.
  - 20) Í stað dagsetningarinnar í sjötta dálki, „Samþykki rennur út“, í línu 346, álsúlfat, komi „31. maí 2024“.
  - 21) Í stað dagsetningarinnar í sjötta dálki, „Samþykki rennur út“, í línu 348, paklóbútrasól, komi „31. maí 2023“.
  - 22) Í stað dagsetningarinnar í sjötta dálki, „Samþykki rennur út“, í línu 349, pensýkúrón, komi „31. maí 2024“.
  - 23) Í stað dagsetningarinnar í sjötta dálki, „Samþykki rennur út“, í línu 350, tebúfenósíð, komi „31. maí 2024“.
  - 24) Í stað dagsetningarinnar í sjötta dálki, „Samþykki rennur út“, í línu 351, díþíanón, komi „31. maí 2024“.
  - 25) Í stað dagsetningarinnar í sjötta dálki, „Samþykki rennur út“, í línu 352, hexýþíasox, komi „31. maí 2024“.
  - 26) Í stað dagsetningarinnar í sjötta dálki, „Samþykki rennur út“, í línu 353, flútríafól, komi „31. maí 2024“.
-